

（欽定）廓爾喀紀畧

卷四十七

欽定廊廡略紀畧

卷之四

欽定廓爾喀紀畧卷四十七

十二月初六日

庚午

福康安孫士毅惠齡和琳奏

言竊查衛藏地方久涵

聖澤人不知兵番民習俗惟知誦經奉佛於軍旅之

事平日並不講求及廓爾喀兩次滋事藏內番

兵乘間卽逃遇敵卽退不能守禦出力固由番

兵等怯懦性成亦因平日練兵之道毫無法制

勢難使之振作茲奉

諭旨酌給錢糧口糧加以訓練實爲防禦邊隅至計

臣等欽遵

訓示悉心籌議謹逐條開列於後

一唐古忒兵丁分設前後藏地方應酌定數目以
肅兵制也查唐古忒番兵向來原有五千一百
六十五名之數其實兵民不分係按各寨番民

定以派兵數目並非額設番兵可比戴琫番目
等平時無兵可管遇事調遣祇在各寨抽派與
烏拉人夫無異充數應名多不能使用軍器以
猝然調集之番民責令打仗禦賊無怪其全無
紀律怯懦不堪今請額定兵數於前後藏各設
番兵一千名此外衝途要隘之定日江孜地方
安設番兵各五百名共額設三千名實兵此項

番兵卽在設兵處所就近挑補以省調戍之煩
前藏原設戴琫三人以二人駐劄後藏以一人
分駐定日均各管該處新設兵五百名再添設
戴琫一人分駐江孜亦管新設兵五百名各處
俱有原設新設之駐防將弁卽令督率管束教
演技藝前藏番兵歸遊擊統轄後藏及江孜定
日番兵歸後藏都司統轄所有挑補番兵造具

花名清冊交該管遊擊都司及戴琫稽查外仍
另繕名冊二本一呈駐藏大臣衙門一交噶厦
公所遇有事故核實挑補隨時呈報以資考察
一核定管兵番目等級以專責成也查藏內管兵
番目不但戴琫一項徒爲虛設卽戴琫以下之
如琫甲琫定琫等目亦祇空有其名無裨實用
每遇出兵另派第巴數人管領其頭目兵丁彼

此各不相識安能望其協力齊心奮勇出力令
於原設戴琫五名外添設戴琫一名自應仍照
舊制設立大小番目逐層管束於戴琫之下設
立如琫十二名每名管兵二百五十名如琫之
下設立甲琫二十四名每名管兵一百二十五
名甲琫之下設立定琫一百二十名每名管兵
二十五名與綠營兵目相似以上大小番目俱

由駐藏大臣會同達賴喇嘛揀選年力精壯之

人充補發給委牌倘敢虛應故事廢弛軍律卽

行革退並將本管番目從嚴懲治至戴琫之缺

向俱由營官陞補亦有戴琫子弟及東科爾中

徑行補放者充補旣無等級人皆不知勸勵嗣

後總應按照等差遇有戴琫缺出以如琫拔

補其餘各缺皆擇技藝嫻熟揔防認真者以次

遞陞查世家東科爾陞轉俱屬過優不由東科
爾出身者拔至定琿而止嗣後東科爾情願充
當番兵及定琿兵目者准其充伍按次陞用不
許躐等超越番兵中如有材技出衆之人不但
拔補定琿仍一體按次陞擢准至戴琿不得以
非東科爾世家阻其上進之路如此定立營制
明示勸懲庶可武備修明人知奮勵

一唐古忒番兵及管兵番目應分別酌給錢糧口糧以資養贍也查藏內調派番兵從不給與口糧卽出兵之時亦不免其徭役番民奉調後自行備帶口糧前往糧盡而逃勢所必至此次調派番兵經鄂輝

奏明令商上給予口糧雖該兵積習相沿間有逃

逸而_臣福康安派守後路熱索橋等處番兵及

成德帶往聶拉木番兵駐劄數月逃者甚少固
由嚴行約束亦緣口食有資是唐古忒兵丁並
非不可振作茲蒙

訓示以旣用其力若不給予口糧自必愈生退縮令
商上給予口糧如須添補卽於陽八井沙瑪爾
巴家貲內酌量撥給添補口糧並將廓爾喀繳
出扎什倫布銀兩留給防兵現旣不設官兵卽

可爲添補番兵之用仰惟

聖主體恤恩慈實屬法良意美應請將此項額設番
兵三千名每名每年給予青稞二石五斗遇有
征調再照征兵之例每日每名商上支給糈粃
一觔每年口糧共需青稞七千五百石所有此
項青稞平價採買須銀一萬數千兩原應在前
後藏商上支給但查商上除每年額用外少有

贏餘自應遵

旨於沙瑪爾巴莊田所出青稞內發給而核計沙瑪
爾巴莊田稞麥爲數亦有不敷現據丹津班珠
爾之子呈繳歸公莊田五處又有查出仲巴田
地四塊合之沙瑪爾巴莊田每年統共收青稞
三千一百七十餘石所少青稞四千三百二十
餘石祇須於廓爾喀交出扎什倫布銀兩及沙

瑪爾巴各物所變價值內酌撥銀兩作爲開墾
地畝之費耕種添補卽敷支給如此辦理各兵
旣不致枵腹從事而以各處歸公之莊田銀兩
爲唐古忒兵丁口食之用旣可贍給兵食兼可
折服番民於事實爲兩得所有番民挑定額兵
者俱由達賴喇嘛發給執照免其一家充當烏
拉徭役以示體恤如有事故革退仍將執照撤

回至管兵大小番目自當酌予養贍俾資辦公
除原設戴琫五名例各給莊田一分新設戴琫
一名亦令達賴喇嘛照例撥給莊田一處毋庸
再議錢糧外其如琫番日照川省馬兵月餉米
折之例每名每年酌給銀三十六兩甲琫照戰
兵之例每名每年酌給銀二十兩定琫照守兵
之例每名每年酌給銀十四兩八錢共需銀二

千六百八十八兩爲數無多卽由前藏商上支
發此項銀兩令商上於春秋兩季備文送交駐
藏大臣衙門轉發該管將備會同戴琫等傳齊
番目支領如有侵漁剋扣一經查出卽行嚴叅
治罪其番兵應支青稞亦分兩季令該管將備
會同戴琫等按名散給

一唐古忒兵丁應給予軍器軍火認真揀演明示